

פרק נה

(א) לַמִּנְצַח בְּנִגִּינַת מִשְׁכִּיל לְדָוִד: (ב) הָאֲזִינָה אֱלֹהִים תִּפְלְתִי
וְאֵל תִּתְעַלֵּם מִתַּחֲנַתִּי: (ג) הִקְשִׁיבָה לִּי וְעֲנֵנִי אֲרִיד בְּשִׁיחִי
וְאֶהֱיָמָה: (ד) מִקּוֹל אוֹיֵב מִפְּנֵי עֶקֶת רָשָׁע כִּי יִמִּיטוּ עָלַי אֶון
וּבְאֵף יִשְׁטְמוּנִי: (ה) לְבִי יַחִיל בְּקִרְבִּי וְאִימוֹת מוֹת נִפְלוּ עָלַי: (ו)
יִרְאֶה וְרָעַד יָבֵא בִּי וְתִכְסְּנִי פְלָצוֹת: (ז) וְאָמַר מִי יִתֵּן לִי אֲבֵר
כִּי־זֶנָה אֶעֱוֹפָה וְאֶשְׁכְּנָה: (ח) הִנֵּה אֲרַחֵיק נִדָּד אֶלֶין בַּמִּדְבָּר סְלָה:
(ט) אֲחִישָׁה מִפְּלֹט לִי מִרוּחַ סָעָה מִסָּעֵר: (י) בִּלְע אֲדָנִי פִּלְג
לְשׁוֹנָם כִּי רָאִיתִי חֶמֶס וְרִיב בְּעִיר: (יא) יוֹמָם וְלַיְלָה יִסּוּבְבָה עַל
חוֹמֹתֶיהָ וְאֶון וְעֵמֶל בְּקִרְבָּהּ: (יב) הוֹוֹת בְּקִרְבָּהּ וְלֹא יִמִּישׁ
מִרְחֻבָּהּ תֵּךְ וּמִרְמָה: (יג) כִּי לֹא אוֹיֵב יַחְרַפְּנִי וְאִשָּׂא לֹא מִשְׁנֹאֵי
עָלַי הַגְּדִיל וְאֶסְתֵּר מִמֶּנּוּ: (יד) וְאַתָּה אָנוּשׁ כְּעֶרְכִּי אֱלוֹפֵי
וּמִידְעִי: (טו) אֲשֶׁר יַחְדּוּ נִמְתִּיק סוּד בְּבֵית אֱלֹהִים נִהַלְךָ בְּרָגֶשׁ:
(טז) יִשִּׁימוֹת {יִשִּׁי מוֹת} עָלֵינוּ יִרְדּוּ שְׂאוֹל חַיִּים כִּי רָעוֹת
בְּמִגּוּרָם בְּקִרְבָּם: (יז) אָנִי אֵל אֱלֹהִים אֶקְרָא וַיְהוֶה יוֹשִׁיעֵנִי:
(יח) עָרַב וּבִקֵּר וְצִהְרִים אֲשִׁיחָה וְאֶהְמָה וַיִּשְׁמַע קוֹלִי: (יט) פָּדָה
בְּשָׁלוֹם נִפְשֵׁי מִקִּרְבִּי לִי כִּי בְרַבִּים הָיוּ עֲמָדֵי: (כ) יִשְׁמַע אֵל
וַיַּעֲנֵם וַיֵּשֶׁב קֶדֶם סְלָה אֲשֶׁר אֵין חֲלִיפוֹת לָמוּ וְלֹא יִרְאוּ
אֱלֹהִים: (כא) שָׁלַח יָדוֹ בְּשָׁלְמוֹ חֲלַל בְּרִיתוֹ: (כב) חָלְקוּ
מִחֲמַאת פִּי וּקְרַב לְבוֹ רַכּוּ דְבָרָיו מִשְׁמֵן וְהִמָּה פְתַחוֹת: (כג)
הַשְׁלַךְ עַל יְהוָה יְהַבֵּךְ וְהוּא יִכְלַכְלַךְ לֹא יִתֵּן לְעוֹלָם מוֹט לְצַדִּיק:
(כד) וְאַתָּה אֱלֹהִים תּוֹרְדֵם לְבָאֵר שַׁחַת אֲנָשֵׁי דָמִים וּמִרְמָה לֹא
יִחַצּוּ יְמֵיהֶם וְאָנִי אֲבַטַח בָּךְ: